

40

Mus. Th.
562

Mass M


562.


4⁰

Glarean

[Basil; Johann Froben 1546]







BIBLIOTHECA
REGIA
MONACENSIS.

ISAGOGE IN MUSICEN
HENRICI GLAREA
NI HELVETII
POE. LAV.
e quibusq; bonis au
thorib⁹ latinis & græcis ad
studiosorū utilitatē
multo labore
elaborata.

AD FALCONEM COSS.
VRBIS AVENTICENSIS.

PETRO FALCONI CONSULI APVD FRIBVR-
GVM HELVETIORVM BONARVM
LITERARVM MECOENATI
HENRICVS GLA-
REANVS S.



Vm uiderem ætate nostra, cæteras disci-
plinas liberales non infeliciter toto passim
orbe iam ἀναλωπεύειν, Petre Falco, &
meum, & patriæ commune decus, mirum
unam Musicen a nemine uindicari, præser-
tim omnium antiquissimam, & in tantum
priscis sæculis in precio habitā, ut huius nomine omnis eru-
ditio censeretur, & qui literas nesciret, ἄμουσος appellaret, &
prorsus indoctus haberetur, qui Musices esset rudis. Vt ne
commemorem, quod Plato hanc adeo putat ad Rempub.
pertinere, ut diligentissime de ea cauerit, tot eximij, tum apud
Græcos, tum apud latinos philosophi, summa cura de Mu-
sica prodiderūt. Aggressus sum igitur, & hanc p mea uirili
pristino splendori restituere, cōposita ex pbatissimis auto-
ribus Isagoga, pusilla quidē illa, sed non pusillo labore, quo
nostra qualicunq; industria, & bonæ spei iuuenes ad priscæ
ueræq; Musices studiū, & eruditos ad eandē pleni⁹ assere-
dam extimularē. Qua quidē in re, utinā tam dilucidus essem
q̃ sum breuis. Sed licebit alias eadē sub incudem renouata,
elimatiōra reddere. Libuit interim hoc qualicūq; libello, no-
uo magis q̃ elaborato Falconi meo, feliciter e Syria reduci
gratulari, præsertim id efflagitantibus iamdudum Scudis
meis Petro & Valentino, una cū Hirudæo, quibus ob egre-
giam indolem nō illibenter gratificor. Bene Vale, Basileæ.
Anno Christi. M D XVI. ad Idus Maias.

QVID SIT MUSICA, ET QVAE MUSICO
PERPENDENDA. CAPVT I



Vsicer ex nostris, alij recte modulandi scientiam definiunt, alij artem concinnitatis in uocibus motibusq; collocatā. Bacchius speciem quandam meli, & eorū quæ circa melos obuersant. At Seuerinus libro.v.ca.i. Musica est (inquit) facultas acutorum, & grauium sonorum differētias, sensu & ratione perpēdens. Quā definitionē, si diligēter introspexeris, uidebis propemodū, & quid musicus inquirat, hoc est circa qd' negociū uersetur, & q' pacto recte Pythagorici præcipiūt, nō omne iudiciū sensui, sed nonnihil rationi quoq; permittendū. Est em̄ Musica de sono & cōsonantia. Sonus uero absq; pulsu & percussione minime reddit', pulsus atq; percussio nullo pacto esse possunt, nisi præcesserit motus, & motuum quidē, alij sunt uelociiores, alij tardiores. Eorū dēq; motuū, alij sunt rariores, alij spissiores, ex tardis itaq; atq; raris motibus, graues fieri sonos, necesse est, ex celeribus autem & spissis, acutos, id quod in neruis facile quis attendet. Ex quibus liquet, omnē sonum quantitate aliqua consistere, atq; ea quidem finita. Quantitas autem omnis rationem habet, plures igitur soni rationem siue collationē inter sese habeant, oportet. Vt enim in numeris est, qd' hic absolutus omni comparatione, tantum ut quid sit, quæ ue illi accidant, inquisitionem requirit, alter uero alteri compa
A 2 ratus,

ratus, ut in utrisque rationem, quam inter sese habent, inuestiges, exposcit. Ita sane & in sono. Possumus enim in hoc & simpliciter conspiciere, quemadmodum Physici faciunt, quid sit, quæ illi accidant, subinde uero conferre hunc sonum cum illo, qua ratione inter sese constant, quod præcipuum est musici negotium. Hinc enim & consonantiam, & dissonantiam metimur, & quorumlibet phthongorum naturam, & differentiam. Rationes autem sonorum intelliguntur uel maxime secundum acutum & graue. Omnis enim sonus alteri collatus, uel illi æqualis est, & tum nulla prorsus differentia accidit, uel inæqualis, hoc quod bifariam accidit, namque uel maior sonus minori comparatur, aut contra, minor maiori, utrinque uero quinque enascuntur genera, quod in numeris quoque ostendemus. Primum enim genus multiplex est, dum maior numerus minorem numerum habet in se totum, uel bis, ut duplum, uel ter, ut triplum, ac deinceps, nihilque deest, nihil exuberat.

Secundum genus est superparticulare, dum maior numerus minorem habet in se totum, & unam eius aliquam partem, puta uel dimidiam, ut in secupla, uel tertiam, ut in sesquitercia, & deinde in alijs. Tertium genus superpartiens dictum, dum maior numerus minorem in se continet, atque eius partes aliquas, si duas, superbipartiens, ut. 5. ad tria, si treis, supertripartiens uocabitur, ut. 7. ad. 4. & in cæteris eodem modo. Quartum genus ex multiplici, & superparticulari conflatum est, dum maior numerus habet in se minorem uel bis, uel ter, uel quotieslibet, atque eius unam aliquam partem, ut quinque ad duo, septem ad tria. Quintum genus ex multiplici, & superpartienti coniunctum est, dum maior numerus, minorem in se habet totum plusquam semel, & eius plusquam unam aliquam

aliquam partem, ut. 8. ad. 3. siue undecim ad. 3. Sed de his longius euagari non est nostri negotij, apud Seuerinū autem multis capitibus & diligēter, & ingeniose tractatū est. Proinde & in sonis nonnulla exempla adferamus. Si enim soni inæquales cōferantur, necesse est unum altero esse acutiores. Idq; uel duplo, ut in $\delta\iota\alpha\ \pi\alpha\sigma\omega\mu$, uel triplo, ut in $\delta\iota\alpha\ \pi\epsilon\upsilon\tau\epsilon$, uel quadruplo, ut in $\delta\iota\alpha\ \tau\epsilon\sigma\sigma\alpha\upsilon\omega\mu$, quā consonantiam egredi non patiuntur eruditorum aures, ut recte disputat de $\delta\iota\alpha\ \pi\alpha\sigma\omega\mu$ Erasmus parēs ac praeceptor noster, & immortale Belgarū sydus, uel sesquiplo, ut in $\delta\iota\alpha\ \pi\epsilon\upsilon\tau\epsilon$, uel supertertio, ut in $\delta\iota\alpha\ \tau\epsilon\sigma\sigma\alpha\upsilon\omega\mu$, id qd' non modo in proportionum generibus aduertere licet, sed etiam in ponderibus, quæ non dissimili modo, sese grauitate & leuitate superant. In instrumentis quoq; musicis, ut uocant, uidemus magnitudinē nonnihil ad rem facere, magna siquidem instrumenta, sonum magnum, parua, exiguum edunt. Hac igitur, qua diximus, ratione musicus sonum consyderat, ad quod negocium numero potissimū utitur, tanq̃ instrumento quodam, sine quo hæc minuta comprehendere minime queat. Non est autem quod musicus inquirat, numerus. Sed sonus potius, cuius rationem per numerum cognoscimus. Nec me latet, q̃ belle dicant ij, qui Musices obiectū (ut cum illis loquar) numerum sonorum esse putant, cum quid loquantur, non facile intelligunt, tum qd' pugnantia dicunt. Quasi uero quod quæritur aurum, nihil a ligone diuersum concludant. Sed esto bene dicant, nolo ego iuuentutem his nanijs, plusq̃ puerilibus, seduci. Id unum adiunxerimus, mathematicis sciētijs, quæ tam certæ sunt, q̃ quæ certissima, nihil æque nocere, q̃ sophisticas illas, ac plane stultas ca-

ISAGOGE

ptiunculas, ac perinde nihil æque fugiendum huiusmodi di-
 sciplinarū studio, q̄ grippos illos insolubiles, quibus ipsa
 ueritas inuoluit̃, ac nunc q̄ eruitur, quibus certissima, obscu-
 rissima fiunt. Cæterū ad institutū nostrū hoc quoq; anno-
 randum, Pythagoricū hoc præceptū, quo admonemur con-
 sonantias ipsas aurib⁹ esse explorandas, quib⁹ uero inter se
 distantijs differant, rationi esse cōmittendū, hoc idē ipsum
 Seuerini definitionē argute explicare. Sed hæc de generali
 huius sciētiae negotio. Nunc uero (cū p̄ iuuetute hæc elabo-
 rauerim⁹) minutiora quædā tractabim⁹. Necesse siquidē
 est, & nostro nō nihil in seruire sæculo, qd'q; usus iam multis
 annis obseruarit, nō modo nō reijcere, sed diligēter, ne usus
 penitus in abusum declinet, docere. Primo igit̃ pueri sciant,
 sex esse uocum signa, in cōmunē usum iam oīm cōsensu ad-
 missa, hæc uidelicet, ut re mi fa sol la. Quib⁹ apte uoces ipsas
 exprimim⁹, quæ idcirco forsitan tenenda, q̄ recepta sunt, nō
 autē q̄ alia accipi nō poterāt, necesse em̄ erat aliqua usur-
 pare. Ex his autē, ut re, graues uocant, la sol, acutas, & mi fa,
 medias, hoc sane certū ut re mi, inferiores esse, fa sol la, supe-
 riores. Cum autē apud priscos Musicos tria fuerint modū-
 landi genera. Vnum Diatonicū, quod hemitonio minore,
 tono ac tono incedit hoc modo.

Diatonicum genus.		
Ratio sesquitercia diatessaron	2 3 0 4	Nete hyperbolæon.
	Tonus.	
	2 5 9 2	Paranete hypbolæon
	Tonus.	
	2 9 1 6	Trite hyperbolæon
	Hemitonium minus.	
	3 0 7 2	Nete diezeugmenō
Alterū Chromaticum, quod semitonio minore, semitonio maiore, ac trib⁹ semitonij, siue qd' idē est, semiditono con- stat.		

IN MUSICEN.

Stat, ad hunc modū.

Chromaticum.

Ratio sesquitercia diatessaron	2 3 0 4	Semitonus	Nete hyperbolæon
	2 7 4 8	Hemitonium maius	Paranete hyperbolæon
	2 9 1 6	Hemitonium minus	Trite hyperbolæon
	3 0 7 2		Nete diezeugme.

Tertiū Enharmonicū qd' ex diesi ac diesi, & duob' tonis cōflat, siue illas dieses diaschismata appelles, de quib' infra copiosius dicturi sumus. Huius est hoc exemplum.

Enharmoniū.

Ratio sesquitercia diatessaron	2 3 0 4	Ditonus	Nete hyperbolæon
	2 9 1 6	Diaschisma	Paranete hyperbolæon
	2 9 9 4	Diaschisma	Trite hyperbolæon
	3 0 7 2		Nete diezeugme.

Nostra tñ ætate duo posteriora genera interciderunt usui musicorū, soloq; priore genere utimur, qd' Guido, quicūq; tandē is fuerit, musicū certe haud quāq; indoctū cōstat, in scalā qndā, quā rudes q; meminisse absq; magno labore poterant, & docte & prudenter disposuit. Ab hac sane totū musices negociū dependet, huc oīa facillime referri queunt. Nos igit' ut incipiētib' etiā prodessem', nō solū ipsam formā, sed ei' q; explanationē subiūxim'. Græca uero noīa iuuenes studiosi ediscant admoneo, nisi em̄, q; quis es hui' sciētiae tyrunculus, hæc noīa memoria teneas, frustra ad ueram musicen accessisti. Quid igit' est, cur nostra ætate tam pauci sint musici, magnū uero Cātorū uulgus? nēpe q; pauci græce sciant, q; nec hoc solū quidē hic expeto, sed & ut Abaci, numeri; sis perit', tū si citharā q; pulsare noueris, non leuē, ut ipse ego puto, adijcies huic negocio calculū. Est aut' hmōi scala, q; sequit', Guidonis, quā Franchin' q; Lau-
denfis, nō pœnitēdus music' ab initio suæ Musices posuit.

Diatonicū Guidonis introductoriū Pythagorea dimensione dispositum.

	1536	ee	to mis	la	
	1728	del	to mis	la sol	
	1944	cc	se mīd mīd mīd mis	sol fa	
	2048	bb	ap otomik sine somi. ma	mi	
	2187	bb	se mīd mīd mīd.	fa	
νήτη ὑπερβολαίων	2304	aa	to	la mi ye	
παρὰ νήτη ὑπερβολαίων	2592	g	to	sol ye ut	
τρίτη ὑπερβολαίων	2916	f	se	fa ut	
νήτη διεζυγμένων	3072	e	to	la mi	
παρὰ νήτη διεζυγμ.	3456	d	to	la sol ye	3456 νήτη σωκμμένων
τρίτη διεζυγμένων	3888	c	se	sol fa ut	3888 παρὰ νήτη σωκμμένων
παρὰ μέση	4096	h	ap	mi	
	4374	b	se	fa	4374 τρίτη σωκμμένων
ΜΕΣΗ	4608	a	to	la mi ye	4608 μέση
λιχανὸς μεσῶν	5184	G	to	sol ye ut	
παρὰ νήτη μεσῶν	5832	F	se	fa ut	
ὑπάτη μεσῶν	6144	E	to	la mi	
λιχανὸς ὑπάτων	6912	D	to	sol ye	
παρὰ νήτη ὑπάτων	7776	C	se	fa ut	
ὑπάτη ὑπάτων	8192	B	to	mi	
προσλαμβανόμενος	9216	A	to	ye	
	10368	Γ	to	ut	

QVAE IN INTRODVCTORIO GVIDONIS
 NOTANDA, ATQVE INIBI DE
 QVINQVE TETRACHORDIS
 ET CHORDARVM IN
 Tervallis.
 CA. II

ANte omnia Guido, ne immemor esset Lector, quicquid huius scientiae est, ut caetera, totum hoc a graecis mutuo nos accepisse, graeca chordarum nomina ponit, de quibus Diuus Severinus abunde li. i. ca. xx. quot sint, qua ratione additae, atque auctae, pertractat. Adeo enim quondam rude erat huius scientiae principium, ut quatuor duntaxat chordis constaret totum harmoniae corpus, idque tetrachordon appellabant. Deinde paulatim in hexachordon, heptachordon, octochordon, enneachordon, decachordon, endecachordon, & denique in decem & quatuor chordas excrevit, postremus uero προσλαμβανόμενος acceptus est neruus, unde & nomen accepit. Diuisio tamen chordarum in tetrachorda, haecenus mansit. Sunt igitur in hac quidem chordarum serie quinque tetrachorda, in quibus omnibus extremorum neruorum διαπεσάων symphoniam sonantium ratio est sesquitertia. De quibus Severinus li. 4. late in omnibus generibus modulandi differit. Primum est ὑπάτων, id est, primarum, uel ut Albinus apud Severinum exponit principalium. Et huic sunt haec quatuor chordae ὑπάτη ὑπάτων. παρυπάτη ὑπάτων. λιχανός ὑπάτων & ὑπάτη μεσῶν. Secundum est tetrachordum τῶν μεσῶν, id est mediarum, habetque quatuor chordas has

B ὑπάτην

ὑπάτηρ μεσῶρ, παρυπάτηρ μεσῶρ, λιχανὸρ μεσῶρ, & μέσηρ. Atqui
 omnia tetrachorda diatonica hemitonium imum habent
 primo loco. μέση uero & παραμέση, tono distant, non hemi-
 tonio. Hinc διεζυγμένων καὶ σωκκμένων, hoc est, disiuncta/
 rum & connodatorum, aut, si mauis, connexorum, duo te-
 trachorda nata sunt. Tertium igitur tetrachordum est συ-
 κκμένων, comprehenditq; quatuor chordas. μέσηρ, τρίτηρ
 σωκκμένων, παρυπάτηρ σωκκμένων, & ὑήτηρ σωκκμένων.
 Quartū uero τῶρ διεζυγμένων, cuius sunt chordæ, παραμέσηρ,
 τρίτη διεζυγμένων, παρυπάτηρ διεζυγμένων, & ὑήτηρ διεζυγμένων.
 Quintum deniq; ὑπερβολαίων, eius hæ sunt chordæ. ὑήτηρ
 διεζυγμένων, τρίτη ὑπερβολαίων, παρυπάτηρ ὑπερβολαίων, & ὑήτηρ
 ὑπερβολαίων. Hactenus de quinque tetrachordis, quibus si ad-
 formam positam pauloantea addas προσλαμβανόμενον, erit
 totus ordo, dis diápason, cuius mediá chorda μέση est, in ra-
 tione quadrupla systematum longissimum, quod ita sym-
 phoniarum ambitum concludit, ut finem ijs ipsis imponat,
 neq; hanc egredi, facile permittunt doctiorum aures. Reli-
 qua interualla, posteaq; & qualia, & quanta sint, docueri-
 mus, nullo negotio perdiscentur. Cæterum numerus quoq;
 hic adiectus est chordis, qui rationē omnis dimensionis con-
 tinet. Nam προσλαμβανόμενον ad μέσηρ duplam habere pro-
 portionem numeri 9216 & 4608 demonstrant, & eandem
 esse rationem μέσης ad ὑήτηρ ὑπερβολαίων, hi numeri 4608
 & 2304 ostendunt. Quæ ut frustra doctis insonant aurib⁹,
 quod notissima sunt. Arithmetica non ignaro, ita indoctis
 quoq; male tinniunt, quod ea minime intelligant, itaq; ne-
 cessum habemus & rudibus non nihil hoc in negotio consu-
 lere. Et primum per literas ducendam iuuentutē putamus.

Sunt

Sunt enim septem literæ (quas & clauēs & phthongorum regiones, uocumq; loca appellant) substantia distinctæ, per repetitionē uero in uniuersum uiginti fiunt, quas iuniores, cum uocibus hoc modo exprimunt. r ut, A re, B mi, C fa ut, D sol re, E la mi, F fa ut, G sol re ut, a la mi re, b fa h mi, c sol fa ut, d la sol re, e la mi, f fa ut, g sol re ut, aa la mi re, bb fa h mi, cc sol fa, dd la sol, ee la. Et ut ab infimis quoq; ordiamur, r, literam græcam in pede posuerunt, ut nemo tantam obliuionē animo suo induceret, dixissem ferme audacius, nemo tam esset ingratus græcis musis, ut hanc scientiam ab illis esse nesciret. Deinde sequuntur literæ septem ordine A B C D E F G, quas maiores ideo libenter pinxerunt ut esset, quo a sequentibus septem, a b c d e f g distinguere, hæc em̄ per exiguæ adscribunt, hinc & eam ob causam, sequentes numero quinque aa. bb. cc. dd. ee. geminæ appositæ sunt, atq; hic est literarum ordo, in quo b fa h mi pro una duntaxat clauē numerata est, cum tamen natura sint duæ, sed in cantu unam solum ponere nō caret ratione. At de hac infra copiosius dicturi sumus. Vsus uero iuniorū obtinuit, ut litera, a proxima distare dicatur secūdo, a tertia tertio, a quarta quarto, Ac deinceps eodem modo, & in uniuersum litera a litera eiusdē formæ proxima, octauo. quemadmodum A ab a. C ac. Proinde & regulam quandam non tam ineruditam, q̄ forsitan uidebitur alicui, adiunxerunt. Est autem huiusmodi, de octauis idem esse iudiciū, quod & ad uoces, & naturam cantus referendum est, ut em̄ in a exiguo la mi re, tres sunt uoces, ita eodem certe modo, in aa geminato, & in A maiore. hæc eadem in G g & r sese habent, r ut enim eiusdem est naturæ cum g ac G, easdem

B 2 igitur

igitur & uoces sol, re, ut, habeat, oportet. Quæ & ipsæ, si op^o est, citra licentiam accommodari possunt. Inde & cautionem hanc adiungunt, si extra literas huius scalæ uel in imo uel in supremo loco uox aliqua expatiatur, oportere illam ad octauum referre. Vt si notula infra r ut sese obtulerit, ea est uel fa, uel ut, quod ex octauo F faut pernotat^r q^z facillime. Neq^z has uoces imperitorum uulgus recte fictas appellat, sicut neq^z eas, quæ non in suis locis, ut iam diximus, sed in octauis reperiuntur, quemadmodum mi, in A magno, aut re, in r. Cum fictæ uoces duntaxat eæ sint, quæ nec in locis ijs sunt, ubi usu eueniunt sæpe, sed neq^z in octauis, quo certe modo in E magno fa, aut in F mi, uoces fictas recte dixeris. Guido uero cum hanc formam nō latiore describeret, respexit tum ad hoc, quod uox naturalis ac proinde humana, suis limitibus conclusa est, tum etiam quod cantilenæ, cuiuscūq^z toni, siue tropi sint, intra hos fines, quos ipse præscripsit, facillime comprehenduntur. In instrumentis uero musicis, quēadmodū Guido græcæ scalæ, chordam unam infra, supra uero quatuor adiecit, ita & Guidonico huic organo, alias adijcere chordas, ea qua diximus lege, utiq^z licebit. Primum igitur erit, ut iuuenes, his uocum locis plurimū assuescant, alia nullo negotio etiam ludentes intellecturi, hoc quod ad illum modum dictum putes, ne mi, putent ubi fa, aut contra fa, ubi mi cantandum.

DE VOCVM PERMVTATIONIBVS. CA. III



Inter cætera quæ præcedenti capite diximus, & hoc admonendum erat, septem uocum hexachorda Guidonem instituisse, hoc est, ut planius dicā, septies ut, re, mi, fa, sol, la, quæ tamē ita ordine

ita ordine posuit, ut & ascensu descensuq; sese mutuo leuent,
 & ut uoces eiusdem naturæ, hoc est, duræ cum duris, & mol/
 les cum mollibus æquatissime cōueniant, quemadmodum
 primum hexachordum quod in r principium habet, leuat
 a secundo hexachordo, quod in C magno exorditur. Ne-
 cesse igitur in his fieri permutationē, si nō uocum, signorū
 tamē ut, re, mi, fa, sol, la, haud dubiam, estq; hæc permu-
 ratio sine intensioe & remissione uocum, nisi forsitan in
 b claue, mi in fa, aut contra fa, in mi Apotomes interuallo
 permutetur. Sic nanq; intensio ac remissio earum chorda-
 rum fieret, quandoquidem non æque eæ uoces cōueniunt,
 quod postea diligētius docebimus. Eam igitur permutatio-
 nem, quomodo fieri necessum habeat, profusissime nostra
 ætate docent male musici, tot inuolucris, tot curiosis præce-
 ptiunculis, ut ædituri ne sint oraculum, an explanaturi, uix
 intelligas. Ad hunc enim modum per distinctionem ordi-
 untur. Clauium, inquiunt, quædam habent unam uocem,
 & in his nulla fit mutatio, quædam duas, & in ijs duæ obue-
 niunt permutationes, quædam uero tres, & in illis sex fiunt
 uariationes. Sic illi. Quasi uero permutationē nesciat adeo
 imperitus quis, nunq; nō nisi in duobus esse. Deinde si duæ
 illic, ob rationem octauæ, eueniant uoces, hac regula scilicet
 præscripserint nouam legem, illic nullam fieri permutatio-
 nem? Quid autem stultius q̃ si a r ascendat quis in F ma-
 gnum, cum ad E deuentum sit, quærere, in quam uocem la
 mutet, cum nulla alia adsit q̃ mi? Eodemq; modo in de-
 scensu ab F magno ad r, cum ad C magnum uentum sit, tū
 quærere in quam uocem, ut, mutes, cum nulla alia sit q̃ fa?
 Postremo de clauibus quæ tres sibi uoces adsciscūt, uide q̃

friuole doceant, sex mutationes tot nodis (dicere uolui mo-
 dis) ut facilius interim canere optime, ne dicam mutare per
 discas. Sane unica cautione hoc docere poterant, nullo etiā
 labore, respiciendam scilicet esse b clauem, in ea certe totū
 negocium uerti, multum enim referre mi an fa ibi cantan-
 dum. Proinde solere musicos b literulā tenuem ac exilem
 adpingere, quoties ea clauis fa habeat, quoties uero mi, ni-
 hil apponere consueffe. Hoc interim pro rudibus satis erat.
 Quid si dicas, fieri posse ut codex erret, neq; ego hoc inficias
 eo. Id aut non antea cognoscere licebit, q̄ de tonis aut tro-
 pis cognoscēdis auditiunculam fecerit quispiam. Hoc nāq;
 cōfessum, omnes tonos in b claue mi habere, exceptis quinto
 & sexto, qui frequenter (ut nostra tempestate musici canti-
 lenas edunt) fa in ea exposcunt, nisi speciatim qualitātū, ut
 saepe fit, permutatio utrinq; accidat, quod in his b duro, in
 illis b molli, ita enim loquuntur, signant. Verum hæc usu po-
 tius q̄ multis regulis pernoscentur. Dicere uero, cuius toni
 hic uel ille sit cantus, non est eius qui de permutationibus,
 sed qui de ipsis tonis differit, docere, quare postea locus de
 his magis opportunus. Sed & hoc adiūcimus, nōnuncq; nul-
 lam fieri mutationem in lōgis saltibus, solum uero rapi uo-
 cem, ut est ex mi in mi, ex fa in fa, præsertim in diapente &
 diapason. Cæterum parum me mouebit ea, quam ponunt
 inter mutationem & permutationem, differētia, multo etiā
 minus, tot mutationis genera qualitatis & quantitatis, de-
 inde proprietatum & deductionum nescio quæ portenta,
 adde his propiora, de triplici cantu, naturali uidelicet, molli
 & duro, aut triplici hexachordorū distinctione in easdem
 proprietates, Neq; enim omnis cantus, cui mi est in b claue,
 durus

durus est, neq; cui fa, omnis ille mollis recte dicitur. Præstiterit forsan dicere hexachordum aliquod esse coniunctum, quod fa habeat in b clauē. quemadmodum tertium & sextum, quoddam disiunctum, quod scilicet mi habeat in eadem clauē. quemadmodum primū, quartū & septimū. Postremo quoddā quasi permanēs, quod, b, clauem nuncq; attingit, ut sunt secundum & quintum. Interim, quod naturam spectat, admonendi sunt tyrunculi huius negocij, bonis cantilenis, iisdemq; ingeniosis assuescant. Si enim tales euadimus ipsi, quales ij sunt cum quibus nostra conuersatio est quotidiana, nimirum & id ipsum in cantionibus contingit, in quibus tantū artificiū est, ut putem, nusq; alibi uel efficacius uel perfectius, aut affectus aut ingenia ostendi. Assuescim⁹ autem tum cantilenis bene, cum belle naturam earum exprimimus, cum affectuum loca imitari discimus. Sed de his satis superq; satis euagati sumus.

DE INTERVALLIS ET CONSONANTIIS. CA. IIII.

Alia sane, ut hoc ab initio obiter dicamus, communis iam est intercapedinum siue interuallorum appellatio, alia apud prisci sæculi musicos fuit, utranq; tamen dicere conabimur, nostro quoq; tempori nonnihil inseruientes. Iuniores igitur quindecim interualla ponentes, hoc more definiunt. Unisonus, inquiunt, est quādo in eadem clauē eadem uox iterum atq; iterum repetit⁹, quemadmodū ut ut ut, re re re, forte autem eam ob causam, cum non sit, interuallum dicitur, qua ratione unitas numerus apud Arithmeticos. Tonus, scdm perfectum, de notula in notulam proximam, quemadmodum

quemadmodū ex ut, in re, ex re in mi, demptis duntaxat, mi, fa, simul iunctis, quæ tamen cum alijs notis sursum ac deorsum connexæ, tonum constituunt.

Semitoniū, secundū imperfectū, solum tamen ex mi in fa proximū. Est autem hic sermo de minore semitono, quandoquidem, ut ex prioribus colliges, semitonium maius ad genus diatonicum ineptum est.

Ditonus, tertium perfectum, ex duobus tonis conflatum, eius duæ sunt species, ex ut in mi, & ex fa in la.

Semiditonus, tertium imperfectum, ex tono & hemitono, eius similiter duæ sunt species, ex re in fa, & ex mi in sol.

Tritonus, quartum durum, ex tribus tonis, nil prorsus symphonici habens ex F ad mi, in b clauē.

Diateffaron, quartum aptum, ex duobus tonis & hemitono minore, eius sunt tres species, ex ut in fa, ex re in sol, ex mi in la.

Hanc consonantiam habent in extremis chordis omnia meli musici genera. sed medias chordas non semper eadē ratione.

Diapente, quintum perfectum, ex tribus tonis & hemitono minore, cuius quatuor sunt species, ut sol, re la, mi mi, & fa fa.

Semidiapente, quintum imperfectum, ex duobus tonis totidēque hemitonis minoribus, quemadmodum ex B magno in F magnum, frequētius in cantilenis mensuralibus, ut uocant, præsertim in suprema uoce ex fa in bb, ad mi, quod in e exiguo est, alioqui symphonici ineptum.

Tonus cum diapente (ita enim & in sequētibz duobus nominibus unum Interuallum nominant) sextum perfectum, ex quatuor tonis, & hemitono minore, quemadmodum ut la, ex r ad E magnum.

Semitonium cum diapēte, sextum imperfectum ex tribus
tonis

IN MUSICEN.

ronis , & duobus hemitonijs minoribus , quemadmodum
mi , fa , ex E ad c .

Ditonus cum diapente , septimū perfectum , ex tonis quinque
& hemitono minore , quēadmodū ut , mi , ex C ad mi in b .

Semiditonus cum diapente , septimū imperfectum , ex qua-
tuor tonis & duobus hemitonijs minorib⁹ , ueluti ex E ad d .

Diapason octauum integrum , ex quinque tonis & duobus
hemitonijs minoribus , cuius septem sunt species , uelut ex
septem literis maioribus ad septem minores . Omne siqui-
dem interuallum , unam semper minus habet speciem q̃ sit
numerus phthongorū . Quemadmodum diatessaron , cum
numerus ipsius sit quatuor uocum , eius species tres sunt , &
diapente , cum habeat quinque neruos , quatuor duntaxat spe-
cies habet , ita in diapason chordarum numerus octonarius
est , specierum septenarius . Cuius negocij exemplum (quo-
niam ad rem facit , postea q̃ de tonis sermo erit) in lineis p
diatessaron , diapente , & diapason speciebus , tale adpingere
solent , quo modo & Franchinus egit .



Tres diates. species. Quatuor diapente species. Septē diapason species.

Si autem maiores q̃ diapason obueniant intercapedines,
ad hunc modum componunt , quo priora composita uides
nonnulla interualla , ut nonum perfectum dicant , tonū cum
diapason , nonū uero imperfectū , semitoniū cum diapason .

C & de

ISAGOGE

& de reliquis eodem modo usq; disdiapason, quā qui caute agunt, nō transiliunt. Ex his quoq; interuallis, hæc perfecte, illa imperfecte consonant, alia prorsus dissonant. Cuius generalē typum talem adpingere consueuere.




Quinq; consonantiæ pfectæ. Quatuor cōsonantiæ imperfectæ. Sex dissonantiæ.

Ad hunc igitur modum, hi Tragœdiam suam absoluunt, quam ut non prorsus friuolam, ita nec omnino absolutam iudico. Habet enim quæ belle dicta sunt de consonantiarū speciebus, habet & rursus quæ odiose inculcata uidentur de tot interuallorum formis, & nono consonantiarum ordine. Quanq; & nos rem hanc minuim⁹, addunt enim inter consonantias nonnulli temere magis q̄ caute diapente cum disdiapason, & ditonū cum disdiapason, quarū posteriorem utcunq; tolerandam puto. Nam & haud pœnitendi musici eam in suas cantiones frequēter adsciscunt, priorem autem difficulter admiserim, maiusq; erratum iudico, q̄ quod dignum uenia iudicē. Sed, & hæc, & quod magis miror, tonus cum diapente, & disdiapason a Petro Platensi symphonista doctissimo nonnunq; usurpatæ sunt, magis forsitan ut uoces excelsissimæ luderent, q̄ belle consonarent. Sed hæc hæctenus. Prisca uero obseruatio cum casta omnia essent, nec tot adulterinis iucunditatibus, dixissem libentius leuitatibus, obuoluta, q̄ paucis cōsonantijs usa sit, uel ex hoc potissimum

tissimum conijcimus, quod uix ultra sex consonantias unam inuenies apud celebres scriptores nominatam. Et cum illi de consonantiarum ordine disceptant, non nisi quinque enumerant, ut uidere quis poterit apud Seuerinum libro secundo, capitulo decimosexto, & duobus sequentibus capitibus. Nos utcumque de ratione harum, pauca hæc dicere statui-
 mus pythagoreum ordinem sequentes, illi enim diapason omnium consonantiarum primam dicebant, & in dupla ratione, uelut duodecima ad sextam, uel uigesimaquarta ad duodecimam. Diapente uero cum diapason in tripla, ut decima octaua ad sextam, uel uigesimaquarta ad octauam. Disdiapason in ratione quadrupla, ut uigesimaquarta ad sextam. Deinde & diapente in sesquipla, ut nona ad sextam, duodecima ad octauam, uel decima octaua ad duodecimam, uigesimaquarta ad decimam sextam. Et diatessaron in sesquitercia, uelut octaua ad sextam, duodecima ad nonam, uel decima sexta ad duodecimam, uigesimaquarta ad decimam octauam. Tonus uero nostra ætate prorsus e consonantiarum cœtu, nescio quo commisso flagitio, semotus in ratione sesqui octaua est. At nolim anxius esse de tono & eius exilio, si hoc non & diatessaron minus digne acciderit, nimirum & in illa eadem non cōueniunt Pythagoricorum & Ptolemæi sentimenta. Illi enim diatessaron inter consonantias ponunt, negant tamen cum diapason consonare, qua in re eos iure increpat Ptolemæus. Vide Seuerinum libro quinto, capitulo octauo. Nostra ætate, diatessaron amat sub se diapente, aut ditonum, ita enim frequenter a nostris Symphonistis usurpatur. Sed huius negocii, is est typus.

ISAGOGE



QVID PHTHONGVS, INTERVALLVM,
ET CONCINENTIA. CAPVT V.

S Euerinus libro primo. Phthongus, inquit, est uocis casus emmeles, id est, aptus melo in unā intensionē. Alij Phthongum definiunt unam quandam partem minimam meli. Alij nerui unius certum quendam strepitum, nonnulli sonum, unum & eundem tenentem tonum, ut Ptolemæus. Sane sicut numeri, unitas. lineæ, punctum. & momentum, temporis. ita harmoniæ principiū est Phthongus, uox quidē indiuidua, elementorum

elementorum hoc in negotio fungens uicem, ex quo omne melos constat, & in quē resoluitur. Emmeles uero phthongi sunt, qui inuicem copulati, uocem reddunt auribus aptam, quod si contra, ecmeles uocant. Interuallum uero est soni acuti grauisq; distantia, definitore Seuerino. Et Consonantia apud eundem definitur, acuti soni, grauisq; mixtura, suauiter, uniformiterq; auribus accidens. Alibi autem Consonantia, inquit, est dissimilium inter se uocum in unum reducta concordia. Sunt qui putent Seuerinum, illic Platoni, hic uero Nicomacho arrisisse. Plato enim hoc modo fieri in aure consonantiam dicit. Necesse est, inquit, uelociorē quidem esse acutiorem sonum, hic igitur cum grauem præcesserit, in aurem celer ingreditur, & iam lassior factus, quasi pulsus, iterato motu reuertit̃ grauior, & proinde cum graui mixtus similis occurrit, unamq; consonantiam miscet. Sed id Nicomachus non arbitratur dictum ueraciter. Neq; em̃ similitudinem esse consonantiam, sed dissimilitudinē potius, in unum eandemq; consonantiam uenientium, grauis uero graui si misceatur, nullam facere consonantiā, quoniā hanc phthongorum concordiam similitudo non efficit, sed dissimilitudo. At sic ipse consonantiarum naturam inuestigat. Si namq; duo nerui dissimiles pulsantur, soni illi sibi obuiam fiunt, q; si commensurabiles fuerint, hæc ipsa cōmensuratio sibi met miscetur, unamq; uocum consonantiam facit. Dum uero incommensurabiles, & simul pulsī, sibi quisq; ire cupit, tum dissonantiam fieri necesse est. Hinc & dissonantiam definit Seuerinus. Dissonantia, inquit, est duorum sonorū sibi met permixtorū ad aurem ueniens, aspera atq; iniucunda percussio. Nam dum sibi met misceri nolunt, & quodammodo


integer uterq; nititur peruenire, cunq; alter alteri officit, ad
sensum uterq; insuauiter transmittitur.

DE TONI PARTITIONE.

CA. VI

ERit fortasse non inutile & de toni interuallis
quippiam adducere, quo Isagoge nostra in-
structior prodeat, quæ tamē si quis exactius, q̃
ut nostrū institutū patitur, noscere uolet, adeat
Seuerini tertium librū, nobis hæc dixisse abunde sat est. Et
primū quidē tanq̃ concessum, longe q̃ demonstratū apud
musicos, memoria tenendū, nullam superparticularē habi-
tudinē noto numero diuidi posse in integrā medietatē, hoc
est, inter duos numeros superparticularis rationis, nullum
mediū posse dari, qui ad minorē cōparatus, eam habeat ra-
tionē, quā collat⁹ maiori, & proinde neq; tonū in duo æque
diuidi, sed in maius & minus hemitoniū, quorū hoc quidē
diesis siue limma, illud apotome nomiat⁹. Rursus diesim in
æquas duas partes secari, q̃ diaschismata uocant⁹, excessum
deniq; q̃ mai⁹ semitoniū, min⁹ uincit, cōma dici, diuidi q̃ in
duas q̃q; ptes q̃ schismata appellant⁹. Hæc apud Seuerinū
Philolaus differit, atq; has definitiōes subnectit. Diesis, inq̃
est spaciū, q̃ maior est sesquitertia proportio duobus tonis.
Cōma uero est spaciū, q̃ maior est sesquioctaua proportio
duab⁹ diesib⁹. i. duob⁹ hemitonijs minorib⁹. Schisma est di-
midiū cōmatis. Diaschisma ꝑo dimidiū dieleos. i. semitoni
minoris. Aduertēdū tñ dieleos appellationē, hic nō cōueni-
re cū ea qua supra dixim⁹, enharmoniū genus diesi, ac diesi
& ditono cōstare, illic em̃ diesis pro hemitoni minoris me-
dietate ponit⁹, qd̃ diaschisma uocat⁹, hic uero a Philolao ꝑ
ipso hemitonio minore. Huius negocij hic est typus.

IN MUSICEN



Sit. a. b. tonus in sesquioctava ratione, duæ eius partes in-
 æquales. a. f. semitoniū maius siue apotome. f. b. uero semi-
 tonium min⁹ siue diesis. Aut cōtra. a. d. semitoniū minus, &
 d. b. semitonium maius, a. c. uero & c. d. diaschismata partes
 æquales dieseos. a. d. sicut. f. g. & g. b. dieseos. f. b. Comma
 deniq; q̄ maius semitoniū excedit min⁹, est. d. f. cuius partes
 æquales, schismata inquam, sunt. d. e. & e. f. Et ut ad nostrū
 q̄q; usum hæc traham⁹, sit. b. μέση siue a la mi re. f. uero τρίτη
 συνημμένωμ, siue. fa, in. b. claue. Deinde. a. sit παραμέση, uel mi,
 in. b. claue. Vox igit̄ re, in a la mi re, a fa, in. b. claue, distat he-
 mitonio minore, ab mi, autē in. b. claue, tono. Hoc ergo idē
 fa, in b. claue, a suo mi, in eadē claue, distat hemitonio maio-
 re, plus igit̄ distant inter sese fa, & mi, in. b. claue eadē, q̄ uel
 hoc a fa,

hoc a fa , in c sol fa ut , uel illud a mi , in a la mi re . Idcirco nonnihil difficultatis habet huiusmodi theoria , aut inspectio , quā tamē facile is intelliget , & quē laboris p̄acquirenda disciplina nō piget , & cui nō omnino stupidū ingeniū .

DE MODIS MVSICIS. CA. VII




Odi musici, qui & toni & tropi dicuntur, ait Seuerinus li. 4. ca. 14. ex δια πασῶν consonantiæ speciebus existunt. Iidem systemata , & constitutiones dici possunt. Est enim Systema plenū ueluti modulationis corpus, ex consonantiarū cōiunctione consistens, quale est diapason uel diapente, diatessaron uel diapason. Diapason nanq; est systema a proslambanomenē in mesen, cæteris, quæ sunt mediæ, uocibus annumeratis, uel a mese rursus in neten hyperbolæon, cum uocibus interiectis . Disdiapason autem a proslambanomenē in neten hyperbolæon, cum his quæ in medio sunt interiectæ, & de reliquis eodem modo, ut ex introductorio facile quis consyderabit . Diapason igitur septem species, siue cōstitutiones, si quis totas faciat acutiōres , uel in grauius totas remittat, septem efficiet modos . Quorū nomina sunt Hypodorius, Hypophrygius, Hypolydius, Dorius, Phrygius, Lydius, ac Mixolydius. Verum cum hæc scriberem, uideremq; nec nobis plane constare , quo modo antiqui his usi sint , deinde quæ nostro tempore celebrantur , nō modo plurima aliena esse , sed nonnūq; diuersa, non facile dictu est , q̄ inuitus calamo indulserim . Sed fortassis erit , quod pro me causer, cum quod ignoro, ingenue nescire me dicam, id quod docti non illibenter faciunt. Deinde cum potius aliorum opiniones referam, q̄ meam, nonnihil etiā eorū quæ quotidianus
usus

usus doctorū musicorū habet, studiose doceam⁹, nō est qđ
 mihi succenferi debeat, si nō sublimia dixisse uidebor, præ-
 sertim cum Isagogen scriberemus. Proinde si mihi licere pu-
 tarem, quod pleriq; facere cōsueuere, omnia scilicet effutire,
 quæ in buccam ueniūt, potius ut docti uideamur, q̃ ut fide-
 liter doceamus, possem hic magnā opinionū syluā Lectori
 studioso offundere, sed quid ad Mercuriū? Cuiuslibet est,
 nugari quiduis, uerū ad rem attinētia dicere, paucorū. Hoc
 unum uere magis q̃ arrogāter dixerim, paucos esse nostra
 ætate musicos, qui uel de melorū generib⁹, uel de horū mo-
 dorū aut cōstitutione aut affectibus, dignū aliquid antiqua
 traditione in medium adducere queant. Præsertim eos qui
 huiusmodi negociū profitent⁹, planeq; μουσικώτατοι sibi in-
 terim uideri uolunt, cum δὲ διαπασῶν a musis absint. Qđ si,
 ut Seuerinus putat li. i. solus is est uerus musicus, qui ratio-
 ne perpēsa, canendī scientiā nō seruitio operis, sed imperio
 speculationis assumit, pape q̃ paucos hodie uidebis musi-
 cos, dispeream, si nō hæc auis uel etiā coruo albo rarior est.
 Sed ad hoc relapsæ sunt bonæ disciplinæ, quas liberales ap-
 pellant, ut a nemine minus colant⁹, q̃ ab ijs, qui ex eis quæ-
 stum faciunt. De his uulgo dictis magistris loquor, qui cum
 pro septē illis indyctis disciplinis, de quibus aliqui uix super-
 dimidiā norunt, spinosam quandā sophisticen inculcent,
 nihilominus tamen titulo earundē artiū magnā pecuniā
 emungunt, a discipulis quos stolidiores reddunt q̃ accepe-
 runt, perinde ac si nihil referat professionis suæ artes sciant,
 an ignorēt, modo titulum habeant, modo capitiū purpura
 splendidū, etiā si a cerdone sordidissimo nihil uel sermone,
 uel scientia, adde postremo moribus, ne unciola quidem

D differant.

ISAGOGE

differant. Cæterū si singulis artibus & disciplinis id ueneni
 irrepsit, cōniendum nostro hoc in negotio fortassis præ-
 stiterit, doleo tamen plus iniuriæ accidisse huic, q̃ in ea sero
 sapimus Phryges, cū interim om̃es aliæ disciplinæ, bonæq̃
 literæ reuiuiscant, leuentur, refloreat, sola, & ipsa unica Mu-
 sica, quæ oscitantes excitat, ipsa oscitans, neminē leuantē ha-
 bet, eleuantes q̃ plurimos. Sed nos interim ad institutū no-
 strum, a quo paululū digressi sumus, redeamus. Meminisse
 ante omnia oportebit eorū, quæ supra retulimus, septē esse
 diapason consonantiæ species, quas maxime his duobus
 nostri differre aiunt, semitoniorū uario loco, & diatessaron
 ac diapente consonantiarum diuersitate, qđ ex his duabus
 cōfletur diapason. Ea igitur species diapason quæ ex pro-
 lambanomene ad Mesen porrigitur, Hypodori systema
 est. Quæ ex hypate hypaton ad paramesen, Hypophrygi.
 Quæ ex parhypate ad triten diezeugmenon, hypolydi.
 Quæ ex lichano hypaton ad paraneten diezeugmenon,
 Dori. Quæ ex hypate meson ad neten diezeugmenon,
 Phrygi. Quæ ex parhypate meson ad triten hyperbolæ-
 on, Lydi. Quæ postremo a lichano meson ad paraneten
 hyperbolæon, mixolydi. Quando uero totum hoc spaciū
 a proslambanomene ad neten hyperbolæon, nōdum com-
 pletum est, nullum enim systema nominauimus a mese ad
 neten hyperbolæon, Ptolemæus hypermixolydium tonū
 octauum in has chordas, nihil a primo differentem specie,
 constituit, omniumq̃ chordarum spaciū, quod disdiapa-
 son systema complectitur, oppleuit, ne extrema chorda, &
 hæc ipsa unica exularet. Sed huius traditionis sit hæc sub-
 iecta descriptio.



INter hos tropos, Dorius, Phrygius, & Lydius
 eminēt, & q̄ a gētibus noīa habēt, q̄ significat
 plurimum eos in usu fuisse, & qd' ad affectus
 tollendos aptiores sunt. Inde & eos duces &
 αὐθέντας appellatos putant, tres alios, Hypodorium, Hypo/
 phrygium, & Hypolydium, subiugales & comites dictos, q̄
 non tam incitant, q̄ sedant animi affectus. Mixolydiū autē
 appellatum aiunt, q̄ lydio facillime cōmisceat, id quod de
 omnibus modis constat, ex uariatione semitoniū minoris,
 saltem in diatonico uariari & systema, ut fileam interim ex
 diatessaron, & diapente cōsonantiarū diuersitate hoc idem
 fieri. Hæc sunt quæ apud antiquos fuisse certū est, quo uero
 modo tropos illos fidibus, syllabis, & pedibus, saltationi-
 busq; aptarint, ut nunc irritarent, nunc placarent, id satius
 conijci q̄ doceri posse crediderim. Videmus tale quippiam
 in Symphonistis, de doctis loquor, qui statim hominem ir-
 retiant, nonnunq; ad fletum perducant, cæterū ita alliciant,
 ut nunq; saturum animum faciant, aut nauseam auditui,
 sensui alioqui petulantissimo, quippe qui momento fatiga-
 tur. In Poetis quoq; quis nescit eadem accidere? Quidam
 enim sunt, cum intrinsecus contempleris phrasim & senten-
 tiam, adeo hominē rapiunt, adeo excitant, ut lectorem sibi
 surripiant, sæpe in lachrymas, sæpe in risum commoueant,
 nunc irascentem, nunc miserantem te faciant, id ipsum certe
 uel pedibus, uel apto uerborū melo, deniq; & alto ingenio,
 multiplici uarietate, agere consueuere. Facile igitur persua-
 sum est mihi quod omnes docti fatentur, Poetæ Musicen
 utilem, dixissem pene necessariam. Adde quod cum Poetis
 Symphonistæ,

Symphonistæ, & pictores hoc cōmune habent, aliquid ingeniose facere, quo uel perpetuo oblectēt, uel animū ipsum hominis mire afficiant. In histrionibus uero longe aliud quippiam, utpote qui maxime stupidos & uulgāres incitant commouentq; affectus. Qui tamen ipsi, aliud ad choream, aliud ad mensam tinnunt. Sed puto, natura in his maximū præstat momentū, uidelicet qua destitutus, quantumcunq; artis adhibeat, ingratus theatro discedat. Vnum pene exciderat magnopere ad rem pertinēs, displicere mihi, q; multi temere ausi sunt, omnia antiqua innouare, aut nouis æquare, ut nihil apud antiquos fuerit, quin hodie simile quid dare conentur. Dorium posco, primū nostrum occinis tonum, peto Hypermixolydium, octauum nostrū prodis, genus chromaticū desydero, insuaue nescio quod chordis crepas, proinde audaculi illi iudicandi, cum omnia ignorēt, omnia scire uideri uolunt.

QVAE NOSTRA AETATE SIT HORVM
MODORVM VSVS. CA. IX



Vnc uero ordo expostulat, ut quæ nostra ætate musici doceant, explanemus. Ecclesiastici nanq; octo similiter, ut antiqui, tonos facientes, in pares, & in impares distinxerunt. Impares dicunt primum, tertium, quintum, & septimum. Pares, secundum, quartum, sextum, & octauum. Rursus cum eodem modo, quo prisci, cuilibet tono diapason systema attribuant, impares aiunt, totum diapason ambitum habere supra chordam statiuam, quam & finalem appellant, pares uero solum diapente supra eandem statuere, diatessaron uero infra eandē chordam collocare. Chordas statiuas quatuor has clauēs

D 3 uocant,

ISAGOGE

uocant, in quibus commode potest omnis cantus suum habere finem. D sol re, primi & secundi tonorū. E la mi, tertij & quarti. F fa ut, quinti & sexti. G sol re ut, septimi & octauī, ea certe constitutione, ut qui impares sint, totum diapason systema supra eam finalem chordam habeant, quod singillatim sic accipe. Primus enim tonus, chordam habet finalem D. ascensus igitur eius est usq; ad alterum d. Tertij finalis clauis est E, idcirco ascendet ad e acutum. Quintus eodem modo ex F in f expatiatur. Et postremo septimus ex G in g. Alij autē qui pares nominant, diatessaron infra eam chordam habent, diapente uero supra, quemadmodū secundus, cuius sedes est D, cū primo tono cōmune, diapente quoq; cōmune ex D, in a cum illo habet, sed diatessaron in A magnum detrudit, ita quartus in E, ubi & tertius finitur, cum quo & diapente in b clauem extensum, commune habet, diatessaron in B porrigit. Eodem modo sextus cum quinto in F exit, diapente cum illo in c leuatum, commune habet, diatessaron tamen depressum in C habet. Postremo & octauus in D protrudit, tollit uero diapente, quod cum septimo commune habet, in alterum d. cantus suos finiens in G pariter, ut septimus. Hos igitur quatuor tonos aiunt mediatos arithmeticōs, quod diatessaron infra diapente habeat, & proinde symphonīæ ineptum. Reliquos uero qui sunt de numero impari, mediatos Harmonicōs, quod diapente infra diatessaron constituent, & proinde aptum melo. Primus siquidem tonus ex D in d, protensus, diapente in a exiguo finit, tertius ex E in e, expatiens, diapente in b protendit, ita quintus in c, & septimus in d diapente terminant, omnes autem diatessaron supra diapente loca-

tam

IN MUSICEN.

tam habent. Quod utrunq; his notulis commonstrandum duximus.



Primus tonus. Tertius. Quintus. Septimus.



Secundus. Quartus. Sextus. Octauus.

Atqui ordines nostrorum tonorum non omnino cum antiqua traditione concordant, abest enim hypermixolydus, cui certe noster octauus, elevatione nō uidetur quibusdam respondere, q̄q̄ a primo nostri cum segregent, quod diapente supra diatessaron habeat, cum contra primus tonus diatessaron supra diapente collocet. Verum id longe magis mirandum, quod sextus, & septimus eandem habent diapa- son speciem. Hic tamen duplicem musicorum nostrorum diligentia differentiam inuenit, unam quod inuersa habēt systemata, alteram quod sextus *συνκλιμένω* tetrachordon habet, septimus *διεζευγμένω*. Ad hunc igitur modum nostri musici suam sententiam absoluunt, in quibus sunt, quæ for- tass, si non Isagogen scriberemus, nec iniuria impugnare possemus, sed nos ad alia consulto estinamus.

De fine,

ISAGOGE

DE FINE, EXPATIATIONE, AGNITIONE, ET PERMIXTIONE TONORVM. CA. X

Finis cantilenarū omnium est uel in re, uel in mi, uel in ut, sed in ut, bifariam, uel in ut, synemmenon, aut diezeugmenon, in re, sunt tonus prim⁹ & secundus, in mi, tertius & quartus, in ut, synemmenon quintus & sextus, in ut, diezeugmenon septimus & octauus. Quoties uero tonū dicimus finiri in aliqua clauē, cantum eius illic deponi intelligimus. Proinde nō est opus, ubicunq; cantus finitur, longa attentione, si, cuius toni sit, iudicare uolueris, dum diapason speciem attendas, quo modo supra diximus, quod ideo libēter saepe admonemus, quoniam cantus positionibus uariantur. Non enim omnis cantus toni primi & secundi in D finitur, sed nonnunq; etiā in a & d, frequentissime uero a Symphonistis in G, non tamen absq; fa, in b clauē per Tetrachordum synemmenon, quod potissimum ea ratione faciunt, ne uoces extra Guido nis scalam ponere cogantur, dum uox ima frequenter cum media diapason sonet, cōmodius arbitrati fieri, in scala comprehendī q̄ extra scalam expatiari uoces. Quanq; hoc consiliū sanum magis est, q̄ necessariū. Quippe quæ possent extra scalam quoq; locum habere. In ecclesiasticis uero cantibus non est opus transponere cantus propter unam uel alteram uoculam fictam, quæ consuetudine nonnunq; potius q̄ ratione introducitur. Ita consimiliter tertius & quartus, non solum in E, sed etiam in a, suas cantilenas finiunt, modo b clauī fa apponas, nonnunq; uero (q̄ q̄ hoc scioli quidam ausi sunt scribere) in b, repugnant enim systematibus illorū & supernæ, & infernæ clauēs, quod facile is uidet, qui naturam

qui naturam systematū nō ignorat. Quintus item & sextus nō solum in F, sed & in utroq; C c cantus suos finire queunt, manente systemate utriusq; immobili. Verum pro cognitione tonorum solent regulas quasdam adiungere, quas nō piguit ascribere, at leuiter tanq̃ offulam libantes. Cantilenæ igitur primi toni (inquiunt illi) frequenter ex re, in la, saliant, secundi ex re, in fa, tertij ex mi, in fa, quod ab eo sexto distat, quarti ex mi, in la, quinti ex ut, in mi, & deinde in sol, sexti ex fa, in la, septimi ex ut, in sol, octauæ ex ut, in fa. Quod in cantilenis ecclesiasticis facile uidere quis poterit. Hæc de fine & agnitione tonorum, in quibus plus usus spectari debet, q̃ tot nostrorum musicorum præceptiones plane pueriles. De expatiatione siue ambitu ex dictis quoq; facile est iudicium ferre, quisq; enim tonus diapason complectitur, q̃ uis frequenter & infra & supra, nonnunq̃ utrinq; tonus addatur, id quod uidere est pene in cantilenis omnibus. Admonendum tamen hoc, principio cantilenas adeo simplices fuisse apud primores ecclesiæ, ut uix diapente ἄρσι καὶ ἁρσι nonnunq̃ impleant, cui consuetudini proxime accedunt Ambrosiani. Deinde paulatim ceperunt magis expatiari, ac luxuriari sonis, ita ut postea non contenti diapason, sed diatessaron, nonnunq̃ diapente cum diapason coniunxerint, forsitan ut permixtim duorum tonorum systemata colluderent, in una cantilena, nonnunq̃ ultra exilirent, quod tamen licentia plæriq; fieri clamitant. Eiusmodi exempla in sequentijs, quæ uocant, plura uidemus. Ad hanc etiā formā Petrus Platenſis, Symphonistes nostra ætate clarissimus, septimum tonum cum octauo in unam cantilenam pulchre coniunxit. Et Iacobus Hobrechth ingeniosissimus primum
E & secundum

ISAGOGE

& secundum. Quoties autem hoc fit, dicuntur permisceri toni, quod facile uidebit qui diapason species memoria tenet. Quod si sunt cantus a regula liberi, nō bono Musico non minus notī esse possunt q̄ optimi, eiusdem enim est bene & male canere. Sed de his haecenus. Nunc uero subiungamus tonorū formulas, quibus psalmos ipsos finiunt, non nihil etiam, quod plus, q̄ oportuit, fecimus, temporī nostro inferuientes. Sunt autem communi usu hae.



Primi.

Secundi.

Tertij.

Quarti.



Quinti.


Sexti.

Septimi.

Octauī.

Nec me multū mouet quod plariq; facere solent, modium differentiarum effundentes, quas nescio qui excogitarunt curiosi plus, q̄ bene attenti, cum hoc certe cuiuslibet sit, tum quod aliarum nationum, aliae sint formulae tonorū, & proinde aliae differentiae, tot pene, quot morosi cantores, quibus qui uelit, quae placeant, praecepta scribere, idem is iungat uulpes, & mulgeat hyrcos. Sed & intonationes tonorū uariae sunt, non solum regionum diuersarum, sed & unius, immo una nonnunq; urbs, unumq; templum libris & consuetudinibus uariat. Volo tamen quae usus habet, hoc modo subiungere.

IN MUSICEN




I

Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.




II

Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.




III

Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.




IIII

Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.



V

Dixit dñs dño meo, sede a dextris meis. Credidi ppter qđ locutus sum.

E 2

ISAGOGE



Magnificat anima mea dominum. Benedictus dominus deus israel.

VI



Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.

VII




Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.

VIII



Dixit dñs dño meo, sede a dextris meis. Credidi ppter qđ locutus sum.



Magnificat anima mea dominum. Benedictus dominus deus israel.

Nec interim libet meminisse formas uersuū in cantib⁹ eccle-
siasticis, q̄s Introitus, Tractus, Alleluia, & Responsoria uo-
cant, cōtentus, uel tantū usui indulsisse. Qz si tñ quis est, qui
omnino illa habere uelit, a me nō expectet, moneo, sed hæc
apud alios inquirat. Ego abunde satis factum negocio pu-
to, dum nostrum hunc laborē, tam succinctum, q̄ eum qui
breuissimus esse potest, studiosis placuisse intelligam.

TEΛΟΣ.

IN LAVDEM CITHARAE ET MVSICES
EIVSDEM GLAREANI CARMEN.

Gaudebam lepidas cithara crepitante camoenas
Tangere, & argutæ fila canora lyræ.
Cornibus hymniferum tollit caput illa reduncis,
Ceu cultos uideas ludere sæpe capros.
Et querulum collum clauo submugit eburno,
Ventre latent blandi corpora mille soni.
Admiror sonitus, æquataq; fœdera pacis,
Cur medio summum concinet atq; graue.
Murmurat ima graui, dum tangis, chorda susurro,
Responderq; leui pulsa suprema sono.
Deniq; quæ tremulis uenit hinc symphonia phthongis
Mulceret fauces cerbere sæue tuas.
Et num te reticem sacer ac diuine Poeta
O Dauid querulæ gloria rara lyræ.
Munera Dalmatico tua sunt maiora metallo,
Et meliora tuis pigre Sabæe focis.
Orphea commemorant cithara traxisse leones,
Et testudineo saxa fidisse sono.
Te quoq; cum regno Pluto mulcebat opaco,
Euridicen cogit reddere docta chelys.

E ; O quo

O quo te memorem cantu dulcissime Arion,
Ad cuius pulsum monstra marina ruunt.
Et Thamiras musis, contendit Marsya Phœbo.
Contendunt numeris ordine quique soni.
O quæ dulce melos, uiuat iucundus Iopas.
Et cum Terpandri timotheæa lyra.
Stridula semiferæ Chironis barbyta, nunquæ
Dircæi uatis carmina laude carent.
Hoc sanctum donum, hoc nobis uenerabile munus.
A superis ceptum, tu quoque Phœbe dabas.
Et mihi persuasi citharam claro æthere lapsam,
Quippe puto modulis pulchrius esse nihil.

τέλος.

Errata huius Isagoges pauca quædam postq̃ relegera-
mus annotauimus. B. 1. pagina. 2. linea. 4. a fine. Sic lege,
quod notissima sunt, arithmetica non ignaro. C. 1. pag. 2.
linea. 5. post figuram, lege nouo, pro nono. C. 2. pagina. 1.
linea. 9. & sequentibus octo, numeri per sceminum male
uersi, totum igitur negocium sic lege, uelut. 12. ad. 6. uel. 24.
ad. 12. Diapente uero cum diapason in tripla, ut. 18. ad. 6.
uel. 24. ad. 8. Disdiapason in ratione quadrupla, ut. 24.
ad. 6. Deinde & diapente in sesquipla, ut. 9. ad. 6. 12. ad. 8.
uel. 18. ad. 12. 24. ad. 16. Et diatessaron in sesquitercia, uelut. 8.
ad. 6. 12. ad. 9. uel. 16. ad. 12. 24. ad. 18. C. 3. pag. 2.
linea. 14. lege æqua. D. 3. pagina. 1. linea. 15. lege, proinde
audaculi illi iudicandi, qui cum omnia ignorent, & cætera.
Eadem pagina in titulo male QVAE pro QVI positum est.
D. 4. pagina. 1. linea. 4. post figuras lege q̃q̃ a primo
nostri enim segregant. D. 4. pagina. 2. linea. 3. a fine, lege
nuncq̃ uero, pro nonnuncq̃ uero. hunc errorem non parui
æstimo, cum contra auctoris mentem pressa sit. Cætera
diligens lector facile emendabit.

